

Na osnovu čl. 4.2., 4.7. i 7.5. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 51. Pravilnika o licencama – Prečišćeni tekst ("Službeni glasnik BiH", broj 63/16), na sjednici Državne regulatorne komisije za električnu energiju, održanoj 28. juna 2022. godine, donijeta je

ODLUKA

O UKIDANJU PRIVREMENE LICENCE ZA OBAVLJANJE DJELATNOSTI MEĐUNARODNE TRGOVINE ELEKTRIČNOM ENERGIJOM

- (1) Ukida se privremena licenca za obavljanje djelatnosti međunarodne trgovine električnom energijom izdata pravnom licu "B.S.I." društvo sa ograničenom odgovornošću za proizvodnju i trgovinu ferolegurama Jajce, Odlukom Državne regulatorne komisije za električnu energiju broj 05-28-12-132-18/21 od 30. juna 2021. godine, na zahtjev vlasnika licence.
- (2) Ova Odluka stupa na snagu danom donošenja i bit će objavljena u "Službenom glasniku BiH" i službenim glasilima entiteta.

Obrazloženje

Pravno lice "B.S.I." d.o.o. Jajce podnijelo je Državnoj regulatornoj komisiji za električnu energiju (u daljnjem tekstu: DERK) zahtjev, zaveden pod brojem 05-28-13-166-2/22 od 21. juna 2022. godine, za ukidanje posjedujuće privremene licence, s obzirom na izvršenu statusnu promjenu, odnosno izvršeno pripajanje ovog privrednog društva privrednom društvu "R-S Silicon" d.o.o. Mrkonjić Grad.

Naime, podnosiocu zahtjeva je Odlukom DERK-a od 30. juna 2021. godine pod brojem 05-28-12-132-18/21 izdata privremena licenca za obavljanje djelatnosti međunarodne trgovine električnom energijom na period od 1. jula 2021. godine do 30. juna 2023. godine.

Polazeći od toga da tokom poslovanja privrednog društva mogu postojati potrebe za određenim statusnim promjenama, uključujući i pripajanje drugom privrednom društvu, što je u konkretnom slučaju i učinjeno, da vlasnik privremene licence nastavlja svoje poslovanje u okviru privrednog društva "R-S Silicon" d.o.o. Mrkonjić Grad kao univerzalnog pravnog sljednika, da je izmirio sve dospjele finansijske, kao i ostale obaveze po osnovu izdate privremene licence, a o poslovnoj odluci da više ne obavlja djelatnost međunarodne trgovine električnom energijom, u skladu sa članom 51. stav 1. tačka a) Pravilnika o licencama – Prečišćeni tekst, obavijestio regulatora podnesenim zahtjevom za ukidanje privremene licence, uz prethodno izvršenu uplatu naknade za rješavanje zahtjeva, odlučeno je kao u dispozitivu ove Odluke.

U skladu sa članom 9.2. Zakona o prijenosu, regulatoru i operatoru sistema električne energije u Bosni i Hercegovini, protiv ove Odluke može se pokrenuti postupak pred Sudom Bosne i Hercegovine, podnošenjem tužbe u roku od 60 dana od dana prijema.

Broj: 05-28-13-166-3/22

28. juna 2022. godine

Tuzla

Predsjedavajuća Komisije

Branislava Milekić